

**Orohat 32-Silvetnjárga**

**Orohatplána**

**Geassemánnu 2015**

## **Geasseorohaga eatnamat leat Navuona suohkanis ja lahpi suohkanis.**

### **Geasseorohaga rádjji:**

Duikkášmuotkki vuotnabađas girtta fylkkarádjái E 6 luohtta mielde. Fylkaraji mielde gitta Jiehkervuona jiehkki rádjái. Iisavákki davábeale bodnái merrii. Stuuravuonas bájas gitta Stuuravuona jiehkai. Badjel Stuuravuona jiehkki ja Fylkkarájii mielde Frakfjorda vuotnabahtii. Das viidáseappot lea mearrá rádjji.

### **Viidodat (km<sup>2</sup>):**

384 km<sup>2</sup> rájii mielde, muhto doppe leat eatnamat maid min eallu láve guohtut, mat eai leat mielde dien orohat viidodagas, dat leat Stuuravuodna ja Iisavággi.

### **Galle siidda:**

Geasseorohagas leat guokte dahje golbma siidda.

Silvetnjargageačči siida

Skálžža siida

Dušnjárga siida

Guohtonáigi geasseorohagas lea njukčamánu 1. beaivvi rájes gitta juovlamánu 31. Beaivvi rádjai.

## **Doaibma ja guohtunárvoštallan**

### **Silvetnjárga geahči siida:**

dat siida boahdá geasseorohakkii prámain ovdal guottet ja guotteha Silvetnjárga geahčen ja lea doppe maid geasi. Sis leat viesut Duikkášmuotkkis ja Dorskavuonas ja barta Segelvikas ja arbejun barta Boazovuonas.

### **Skálžža siida:**

dat siida guotteha čakčaáide- siste ja boahdá áldoealuin geasseorohakkii loahpas geassemánu. Luovasealuin gal boahdá geasseorohakkii álgus miessemánu prámain. Sis lea viessu Duikkášmuotkkis ja guokte barta Jiehkervuonas. Ja fiellogamme Dorskavuonas. Ja dárbu lea vel ovttá barta mii lea sullii 20 m<sup>2</sup> ja mii lea Boazovuonas.

### **Dušnjárga siida:**

dat siida guotteha muhtin jagit Čoalbmejávrra sulaid ja boahdá geasseorohakkii mannel guottet ja muhtin jagit johtá geasseorohakkii miessemánu álgus ja guotteha doppe. Sis lea barta Jiehkervuonmuotkkis.

Geasseguohtumat leat dábalaččaid hui buorit, doppe leat rassas eatnamat, danjas ja jeagel-eatnamat leat maid. Doppe leat muorra ja duottar eatnamat, várit, ráššat ja alla riiddit. Leat jasat geasi miehta. Várit nalde gobiin lea ollu sidnu. Báhkaid lea eallu badjosiin ja gáluid vuollagan. Doppe leat buorit bálkos eatnamat maid. Geasseorohagas leat buot lagan eadnamat hui dehalaccat min boazodollui.

### Earránamoš hástalusat geasseorohaga geavaheapmái

Latnja vuovdit leat šaddan hui ollu ja suohkadat, daid čađa lea váttis šaddan johtit ealuin. Daid johtin geainnuid leat mii njaskkan muhtun muddui, mot lea ain ollu njaskat. Dan aiggi leat juovat ja eanan rihtut maid saddan dakkarat mat firret measta juohke jagi ja bilisdit johtin ja bohcuidd jorran geainnuid. Ja daid maid lavet saddat boltut ja čorget.

## **Garddit, áiddit ja eará oktasaš rusttegiid geavaheapmi ja divodeame birra**

Orohagas leat njeallje garddi ja njeallje áidebihtá geasseorohaga siste.

Dat leat mearkungárddi Nieidavuomis ja Dorskavuonas. Ja de lea áiddi Havnas Dorskavuonas ja Dorskavuonas Frakfjordai lea áiddi.

Diet garddit ja áiddit leat dan siidas mii guotteha Silvetnjárggas ja leat danne vuoi oačču misiid merkii. Dieid áiddit ja garddit divvu dat gii geavaha daid. Nieidavuome- gardi gálga divvojuvvot ovddal mihcamáraid. Dorskavuona garddi ja áiddit galget divvojuvvot ovddal 20. August.

Dieidda áiddiide ja garddiide mii leat ozan tomta. Dorskavuona garddi lea leamaš sullii 55 jagi. Nieidavuome- gardi ja Dorskavuona áidi leat leamaš sullii 30 jagi.

Skálžžas lea áiddi, mii vuolgá mearas ja manna Skálža-oalggi vuollai ja garddi lea Skálžanjárgas. Diet áiddi ja garddi adnojit vuojaheame oktavuodas čakčat. Dieid divvot dat mat geavahit dieid. Ja galgá divvojuvvot ovdal borgemanu 20. Beaivvi. Dien áidái ja gárdái mii leat ozan tomta. Diet leat leamaš sullii 55 jagi.

Jiehkervuonmuotkkis lea mearkungárddi ja áiddi mii vuolgá mearas Duikkášmuotkkis ja manna Ruoššavárrái. Dusnjárga-siida dat geavaha dien garddi go mearku misiid. Dat áiddi lea maid sin ja lea vuoi dollet ealu orohagas. Dien garddi ja áiddi divvot sii geat leat Dusnjárggas. Diet galget divvojuvvot ovdal 1. August. Dien gárdái ja Aidai mii leat ozan tomta. Gardi lea leamaš sullii 55 jagi, ja áiddi sullii 35 jagi. Doppe lea boares áidde sadji mii lea sullii 55 jagi.

Jiehkervuonas lea práma gardi mii lea oktasaš Seakkesnjárggain. Dan divvot dat siidat mat dan geavahit. Dan garddis lea sierra šiehtadus Ingrid Levangain gii lea eanan eaikat.

Buvrovuonas lea maid práma gardi mas gullá oassi Silvetnjárgii. Dat lea oktasaš gardi mánggain eará orohagain. Dan maid divvot dat mat geavahit dan.

Ja geasseorohagas lea gaskaáiddi min orohaga ja Orohat 29-Seakkesnjarga/Silda gaska. Ja dat áiddi vuolgá Frakfjordas ja manna Dorskavuonjávrái ja das Dorskavuonvaggierrági. Dat áiddi lea min orohaga siste.

## **Mohtorfievrruid geavaheami birra**

Mohtorfievrruid mat sáhttet geavahuvvot boazobargguin leat mohtorfanas, 2 ja 4 juvllat sykkelat, muohta scooter, biila, girdi ja helikopter.

Válde njuolggadus bievla vuodjimii lea ahte vuodjimat eai galgá dahkkot earágo áideguoraid guođoheami oktavuodas ja muđui dalle go lea dárbu.

Dearvvuodaiguin

Johannes Daniel Gaup  
Jod̄ihead̄dji

Anders Nils N. Eira  
Nubbinjod̄ihead̄dji

Per Thomas A. Gaup  
Stivraláhtu

Nils A, Gaup  
Stivraláhtu

John Isak A. Gaup  
Stivraláhtu

